

Ei vègn ad ésser ina surprisa generalmein tresta, per igl entir pievel romontsch, legend el quei num enconuschent cun iña crusch ed udend la nova: la vigelgia de Nadal, dellas 2 suenter mesa-notg, ei P. Baseli suenter ina liunga malsogna de 4 meins spar-tius da questa val de larmas, nua ch'el ha passentau 73 onns, ils quals vegnan buca a sparir senza fastitgs per il pievel. Sco bien Religius della ven. claustra, sco bab spiritual, per biaras olmas fideivlas, sco scri-bent romontsch, sco fervent scrutatur della historia present ils pli grond's scazis de nossa litteratura e cul-tura romontscha eis, el vivius cun nus, denter nus e per nus, de maniera ch'ei maunca a nus per oz il dueivel spazi e temps per in necrolog ella hodierna „Gas. Rom., ch'ha ual aunc çaschun el davos mument de purtar l'an nunzia della mort. P. Baseli ei naschius ils 11 de november 1858, ha studiau a Mustér, Sviz, Friburg, Eichstadt e Cuera. Igl onn 1883 eis el entraus en claustra bandunond il mund e la carriera militara. Ils 16 de decembre 1884 ha el fatg profess. Ils 17 de matg 1885 eis el vegnius ordinatus spiritual. Ils 25 de matg dil medem onn ha el celebrau sia messa nuviala. Da 1888—1905 eis el staus prefect della scola claustral. In bien scribent e premurau collectader de cudsichs e scartiras veglias ei el daventaus il custos della biblioteca romontscha de nossa claustra, che conserva dapresenti ls pli grond's scazis de nossa litteratura e cul-tura. Co-admiravan tschei onn ils Romanists arri-vai da tuttas parts dil mund, la collecziun de cudsichs e manüscrets e buca meins la marcanta persuna dil bi-bliotecari claustral. Per oz stuein nus serestrenscher sin questas lingias. Denton vegli la claustra sco il pievel seregurdar dil car defunct rugond culla s. Mumma Baselgia la vigelgia de Nadal: ch'el possi, spetgond la legreivla vegnida dil Salvador, comparer cun fidanza avon il buntadeivel Derschader! El vivi tier il Segner! In necrolog suonda ella proxima nr.

Alla preziada familia, che piarda en cuort inter-val ses dus augsegners, P. Baseli e Sur Tumaisch, ex-primin nus nossa sincera condolientscha.

La sepultura ha liug gliendisidis proxim. La messa de morts entscheiva allas 9.30 a. m.